

Na osnovu člana 23. Zakona o sportu u BiH i Statuta Triatlon i pentatlon saveza Bosne i Hercegovine (u daljem tekstu Statut TPSBiH) Upravni Odbor Triatlon i pentatlon saveza BiH na sjednici održanoj 8.12.2022. godine, donosi:

PAVILNIK O TAKMIČENJIMA **Triatlon i pentatlon saveza Bosne i Hercegovine**

UVOD

1. Ovim se Pravilnikom utvrđuju opšti propisi provedbe takmičenja i sistem takmičenja u svim službenim olimpijskim i ostalim multisport disciplinama definisanim pravilnikom Međunarodne triatlon federacije (u daljnjem tekstu World Triathlon) i Statutom Triatlon i pentatlon saveza Bosne i Hercegovine (u daljnjem tekstu TPSBiH), te se definišu učesnici takmičenja, propozicije takmičenja, kalendar takmičenja, takmičarska tijela i sve ostalo što je povezano sa takmičenjem, a u skladu sa pravilnicima, propisima i dokumentima TPSBiH.
2. Pravilnik o sistemu takmičenja ima za svrhu provođenje minimalnih uslova takmičenja, prilagođen je takmičenjima u organizaciji TPSBiH, a u skladu sa standardima postavljenim Pravilnikom takmičenja i Pravilnikom za organizatore takmičenja World Triathlon.
3. Ako ovim Pravilnikom nije drugačije navedeno, sve utrke u nadležnosti TPSBiH organizuju se u skladu s trenutno važećim pravilnikom nadležne institucije, World Triathlon Competition Rules.

I NADLEŽNOSTI

4. Sva takmičenja svih rangova u organizaciji TPSBiH i svih udruženih članica TPSBiH provode se prema odredbama ovog Pravilnika i važećim pravilima World Triathlon.
5. Sva takmičenja lige TPSBiH kao i pojedinačna državna prvenstva i ostala rangirana takmičenja uvrštena u službeni kalendar Saveza odvijaju se prema za to utvrđenim pravilima propisanim ovim Pravilnikom.
6. Pod pojmom „*takmičenje*“ podrazumjeva se jedan naziv i datum održavanja triatlon i/ili multisport utrka, jednog formata za različite kategorije ili različitih formata za različite kategorije.
7. Triatlon i pentatlon savez BiH nadležan je za izdavanje saglasnosti organizatorima svih takmičenja u triatlonu, te ostalih multisport takmičenja u Bosni i Hercegovini koji nisu članovi TPSBiH.
8. Triatlon i pentatlon savez BiH izdaje licence organizatorima triatlonskih i multisport takmičenja određuje im rang, uslove održavanja takmičenja, prava i obaveze, u skladu sa ovim Pravilnikom.
9. Postupak licenciranja takmičenja i učesnika takmičenja regulisan je Opštim pravilnikom o licenciranju TPSBiH.
10. Ovaj Pravilnik definiše tehničke detalje sistema takmičenja: takmičarske kategorije, pravo nastupa, grane sporta, discipline i dionice, u skladu s propisima World Triathlon-a, te načine bodovanja utrka TPSBiH koji su sastavni dio ovog Pravilnika.

DEFINICIJE

II TRIATLON I MULTISPORT DISCIPLINE, UZRASNE SKUPINE I DISTANCE

11. TPSBiH triatlon discipline su

- | | |
|--------------------------------|---|
| a. Triatlon: | Plivanje - biciklizam - trčanje |
| b. Duatlon: | Trčanje - biciklizam - trčanje |
| c. Zimski triatlon: | Trčanje u prirodi - brdski biciklizam - skijaško trčanje |
| d. Kros triatlon: | Plivanje - brdski biciklizam - trčanje u prirodi |
| e. Kros duatlon: | Trčanje u prirodi - brdski biciklizam - trčanje u prirodi |
| f. Akvatlon: | Plivanje - trčanje |
| g. Paratriatlon: | Plivanje - biciklizam - trčanje |
| h. Paraduatlon: | Trčanje - biciklizam - trčanje |
| i. SwimRun¹: | Plivanje - trčanje |
| j. Aquabike: | Plivanje - biciklizam |

12. Uzrasna dob takmičara/ke se određuje na osnovu godišta takmičara/ke na način da se od tekuće godine oduzme godišta takmičara/ke.

13. Uzrasne skupine propisane od strane TPSBiH iste za ženske i muške takmičare te izgledaju kao što slijedi:

- | | |
|-----------------------------|-----------------|
| a. Poletarci C | 6 i 7 godina |
| b. Poletarci B | 8 i 9 godina |
| c. Poletarci A | 10 i 11 godina |
| d. Mlađi kadeti | 12 i 13 godina |
| e. Stariji kadeti | 14 i 15 godina |
| f. Mlađi juniori | 16 i 17 godina |
| g. Juniori | 18 i 19 godina |
| h. Mlađi seniori U23 | 20 - 23 godina |
| i. Seniori | 24 - 29 godina |
| j. Age grupa 1a | 30 - 34 godina |
| k. Age grupa 1b | 35 - 39 godina |
| l. Age grupa 2a | 40 - 44 godina |
| m. Age grupa 2b | 45 - 49 godina |
| n. Age grupa 3a | 50 - 54 godina |
| o. Age grupa 3b | preko 55 godina |

14. Za kategorije mlađe od 12 godina, dakle za sve Poletarce, u svim disciplinama, zabranjuje se utrkiivanje na cestovnim biciklima, dakle dozvoljeno je utrkiivanje samo na brdskim biciklima.

15. Kako bi zaštitili svoje zdravlje, sportisti u mlađim uzrasnim kategorijama mogu učestvovati na takmičenjima samo do preporučenih takmičarskih udaljenosti

¹ SwimRun je prilično sličan sportskom akvatlonu gdje učesnici plivaju, a zatim prelaze na trčanje. Međutim, u SwimRun-u učesnici prelaze između trčanja i plivanja mnogo puta tokom jedne trke, trčeći u svojim plivačkim odijelima i plivajući u patikama.

navedenih u nastavku. Organizatori moraju poštovati ograničenja navedena u narednim tabelama: distance po disciplinama, uz maksimalnu toleranciju od 10% ukoliko prilike drugačije ne dozvoljavaju.

16. Triatlon distance po uzrastima

DISTANCA	PLIVANJE	BICIKLIZAM	TRČANJE
<i>Supersprint distanca</i> Poletarci C 6 i 7 godina	25 m	1 km	250 m
<i>Supersprint distanca</i> Poletarci B 8 i 9 godina	50 m	2 km	500 m
<i>Supersprint distanca</i> Poletarci A 10 i 11 godina	200 m	6 km	1,5 km
<i>Supersprint distanca</i> Mlađi kadeti 12 i 13 godina	300 m	8 km	2 km
<i>Supersprint distanca</i> Stariji kadeti 14 i 15 godina	500 m	13 km	3,3 km
<i>Supersprint distanca</i> Štafetno takmičenje mladih 10 - 17 godina	200 m	3 km	1 km
<i>Sprint distanca</i> Juniori 16 godina i stariji	750 m	20 km	5 km
<i>Olimpijska distanca</i> Seniori 18 godina i stariji	1500 m	40 km	10 km
Štafetno takmičenje 18 godina i stariji	300 m	8 km	2 km
<i>Srednja distanca</i> 18 godina i stariji	1900 m	90 km	21.097,5 m
<i>Duga distanca</i> 18 godina i stariji	3800 m	180 km	42.195 m

17. Duatlon distance po uzrastima

DISTANCA	TRČANJE	BICIKLIZAM	TRČANJE
<i>Supersprint distanca</i> Poletarci C 6 i 7 godina	250 m	1 km	125 m
<i>Supersprint distanca</i> Poletarci B 8 i 9 godina	500 m	2 km	250 m
<i>Supersprint distanca</i> Poletarci A 10 i 11 godina	1500 m	6 km	750 m
<i>Supersprint distanca</i> Mlađi kadeti 12 i 13 godina	2 km	8 km	1 km
<i>Sprint distanca</i> Stariji kadeti 14 godina i stariji	3,5 km	15 km	1,75 km
<i>Standardna distanca</i> Seniori 18 godina i stariji	10 km	40 km	5 km
Štafetno takmičenje 12 godina i stariji	2 km	8 km	1 km
<i>Srednja distanca</i> 18 godina i stariji	10 km	75 km	15 km
<i>Duga distanca</i> 18 godina i stariji	20 km	150 km	30 km

18. Kros duatlon distance po uzrastima

DISTANCA	TRČANJE U PRIRODI	BRDSKI BICIKLIZAM	TRČANJE U PRIRODI
<i>Supersprint distanca</i> Poletarci C 6 i 7 godina	250 m	750 m	125 m
<i>Supersprint distanca</i> Poletarci B 8 i 9 godina	500 m	1 km	250 m
<i>Supersprint distanca</i> Poletarci A 10 i 11 godina	1500 m	5 km	750 m
<i>Supersprint distanca</i> Mlađi kadeti 12 i 13 godina	2 km	6 km	1 km
<i>Sprint distanca</i> Stariji kadeti 14 godina i stariji	4 km	12 km	2 km
<i>Standardna distanca</i> Seniori 18 godina i stariji	8 km	25 km	4 km
Štafetno takmičenje 12 godina i stariji	1,6 km	5 km	0,8 km

19. Akvatlon distance po uzrastima

DISTANCA	PLIVANJE	TRČANJE
<i>Supersprint distanca</i> Poletarci C 6 i 7 godina	25 m	250 m
<i>Supersprint distanca</i> Poletarci B 8 i 9 godina	50 m	500 m
<i>Supersprint distanca</i> Poletarci A 10 i 11 godina	200 m	1 km
<i>Supersprint distanca</i> Mlađi kadeti 12 i 13 godina	400 m	2 km
<i>Sprint distanca</i> Stariji kadeti 14 godina i stariji	750 m	3 km
<i>Standardna distanca</i> Seniori 18 godina i stariji	1 km	5 km
Štafetno takmičenje 12 godina i stariji	200 m	1 km

20. Zimski triatlon distance po uzrastima²

DISTANCA	TRČANJE U PRIRODI	BRDSKI BICIKLIZAM	SKIJAŠKO TRČANJE
<i>Supersprint distanca</i> Poletarci C 6 i 7 godina	250 m	750 m	0,5 km
<i>Supersprint distanca</i> Poletarci B 8 i 9 godina	0,5 km	1 km	1 km
<i>Supersprint distanca</i> Poletarci A 10 i 11 godina	1,5 km	2,5 km	2,5 m
<i>Supersprint distanca</i> Mlađi kadeti 12 i 13 godina	2 km	3 km	3 km
<i>Sprint distanca</i> Stariji kadeti 14 godina i stariji	4 km	6 km	6 km
<i>Standardna distanca</i> Seniori 18 godina i stariji	9 km	14 km	12 km

² Sve tri poddiscipline moraju imati približno isto vrijeme izvođenja! (po disciplini 1/3 ± 10% ukupnog vremena)

21. Kros triatlon distance po uzrastima

DISTANCA	PLIVANJE	BRDSKI BICIKLIZAM	TRČANJE U PRIRODI
<i>Supersprint distanca</i> Poletarci C 6 i 7 godina	25 m	1 km	250 m
<i>Supersprint distanca</i> Poletarci B 8 i 9 godina	50 m	2 km	500 m
<i>Supersprint distanca</i> Poletarci A 10 i 11 godina	300 m	4 km	1500 m
<i>Supersprint distanca</i> Mlađi kadeti 12 i 13 godina	300 m	6 km	2,5 km
<i>Sprint distanca</i> Stariji kadeti 14 godina i stariji	0,5 km	12 km	4 km
<i>Standardna distanca</i> Seniori 18 godina i stariji	1,5 km	30 km	10 km

22. Akvabajk distance po uzrastima

DISTANCA	PLIVANJE	TRČANJE
<i>Standardna distanca</i> Seniori 18 godina i stariji	1500 m	40 km
<i>Srednja distanca</i> 18 godina i stariji	2 km	90 km
<i>Duga distanca</i> 18 godina i stariji	4 km	180 km

III RANG TAKMIČARA TPSBiH

23. Rang sportaša s izdanim A licencama su zatvorene kategorije. Na svim utrkama u nadležnosti TPSBiH ti se sportaši rangiraju i proglašavaju isključivo u svojoj starosnoj kategoriji.
24. Rang sportaša s izdanim B licencama su otvorene kategorije. Na svim utrkama u nadležnosti TPSBiH ti se sportaši rangiraju i proglašavaju sukladno svojoj starosnoj kategoriji i u apsolutnoj kategoriji.
25. Takmičari sa B licencom u mlađim starosnim kategorijama imaju pravo nastupa na svim distancama određenima Sistemom takmičarskih kategorija i takmičenja, a koja su utvrđena u skladu sa dobnim ograničenjima sportaša.
26. Natjecatelji s B licencom starijih dobnih kategorija nemaju pravo rangiranja u mlađim dobnim kategorijama, bez obzira na pravo nastupa na određenoj distanci.
27. Poredak za državno pojedinačno prvenstvo prema izdanim A i B licencama proglašavati će se u svim kategorijama i disciplinama u kojima je nastupi jedan takmičar ili takmičarka.
28. Unutar seniorskih dobnih kategorija M/Ž 20 do M/Ž 50+ proglašavat će se sve kategorije u kojima je nastupio najmanje jedan takmičar/takmičarka, uključujući strane državljane s valjanom licencom članica ETU/WT.
29. Takmičari bez važeće licence TPSBiH odnosno takmičari s jednodnevnim licencama bit će prilikom prijave automatski svrstavani među takmičare s B licencama uz napomenu "individual" na službenim listama rezultata. Isti ne mogu nastupati na zatvorenim utrkama niti biti proglašavani u skladu sa važećim kategorijama na prvenstvu i kupu Bosne i Hercegovine.
30. Sistem takmičarskih kategorija i takmičenja TPSBiH.

LICENC A	UZRASNA KATEGORIJA	GODINA
A	Poletarci C	6,7
	Poletarci B	8, 9
	Poletarci A	10, 11
B	Mlađi kadeti	12, 13
	Stariji kadeti	14, 15
	Mlađi juniori	16, 17
	Stariji juniori	18, 19
	Mlađi seniori	20 - 23
	Seniori	24 - 29

	Age grupa 1a	30 - 34
	Age grupa 1b	35 - 39
	Age grupa 2a	40 - 44
	Age grupa 2b	45 - 49
	Age grupa 3a	50 - 54
	Age grupa 3b	55+

IV RANG UTRKA

31. Triatlon i pentatlon savez BiH, prema Zakonu o sportu, je najviše tijelo u Bosni i Hercegovini zaduženo za triatlon te jedino TPSBiH ima pravo dodjeljivati rang utrka i izdavati dopuštenje za organizaciju utrka prema prijavama i prijedlozima organizatora.
32. Sistemi sportskih takmičenja (rangovi utrka) mogu biti:
 - **Nulti stepen:**
 - promotivna natjecanja, otvorene i zatvorene promotivne utrke koje organizuju članice TPSBiH,
 - takmičenja u organizaciji pravnih osoba na teritoriji Bosne i Hercegovine koje nisu članice TPSBiH
 - **Prvi stepen:**
 - općinska i gradska natjecanja (klupska i međuklupska prvenstva/lige)
 - **Drugi stupanj:**
 - međuopćinski /međugradski/kantonalni (međuopćinsko, međugradsko, kantonalno prvenstvo/liga)
 - **Treći stepen:**
 - regionalni/međukantonalni/entitetski (regionalno prvenstvo/liga, međukantonalno prvenstvo/liga i entitetsko prvenstvo/liga)
 - **Četvrti stepen:**
 - pojedinačno prvenstvo Bosne i Hercegovine (TL BiH/kup)
 - ekipno prvenstvo Bosne i Hercegovine (TL BiH/kup)
 - **Peti stepen:** međunarodni (natjecanja uvrštena u kalendar World Triathlona)

V VRSTE TAKMIČENJA

PREMA NAČINU EVALUACIJE

33. Sva takmičenja uvrštena u službeni kalendar Saveza mogu biti *ekipna* i *pojedinačna*.
34. Ekipna takmičenja su trke u kojima učesnici ekipe (u daljem tekstu: ekipa ili štafeta) završavaju predviđene discipline u skladu sa odredbama sportskih pravilnika.
 - a. Mješovita štafeta: 2 žene i 2 muškarca završavaju takmičenje u redosljedu muškarac - žena - muškarac - žena. Tim se sastoji od 4 sportista. Svaki od njih se takmiči u kompletnom triatlonu / duatlonu / akvatlonu / zimskom triatlonu / kros triatlonu / kros duatlonu. Ukupno vrijeme za tim je od starta prvog člana tima do trenutka kada 4. takmičar(i) pređe ciljnu liniju.

- b. 3-člana (mješovita) štafeta: Tim se sastoji od 3 takmičara, pri čemu, u zavisnosti od najave, svi imaju isti pol ili barem jedna osoba mora biti suprotnog pola. Svaki član tima se takmiči u potpunom triatlonu / duatlonu / akvatlonu / zimskom triatlonu / kros triatlonu / kros duatlonu. Ukupno vrijeme za tim je od starta prvog člana tima do trenutka kada treći sportista pređe ciljnu liniju.
 - c. Štafeta: Tim se sastoji od 3 takmičara, bez obzira na pol. Prvi takmičar završava prvo parcijalno takmičenje, drugi sledeće, a treći finalno. Ukupno vrijeme za tim je od starta prvog člana tima do trenutka kada treći sportista pređe ciljnu liniju.
 - d. Timsko takmičenje: Evaluacija se zasniva na pojedinačnim rezultatima. Ukupno vrijeme je rezultat sabiranja tri najbolja vremena sportista koji su startali za isti klub. U slučaju nerešenog rezultata, odlučuje brže vrijeme trećeg člana tima. Tri (3) sportista iz istog kluba čine tim. Pojedinačni učesnici mogu pripadati starosnim grupama kadeta, juniora, U23 i/ili starije starosne grupe.
35. Pored pojedinačne, ekipna evaluacija se može izvršiti na svakom takmičenju.
36. Ženske i muške ekipe se mogu bodovati odvojeno ili zajedno kao mješovite ekipe.
37. Organizator odlučuje da li je planirana ekipna evaluacija i koja vrsta je planirana, te je dužan to navesti u raspisu takmičenja.
38. Ekipna evaluacija se vrši na sljedeći način:
- a. Ekipe se sastoji od tri takmičara: unutar istog kluba, bez obzira kojoj starosnoj grupi pripadaju
 - b. Svi klubovi, od kojih su najmanje tri člana uredno završila takmičenje, uključeni su u ekipni plasman
 - c. 3 najbrža vremena svakog kluba se ocjenjuju kao 1. ekipa ovog kluba, sljedeća 3 najbrža vremena istog kluba kao 2. ekipa, itd.
 - d. Ekipni plasman u štafeti: Svaki učesnik mora završiti super sprint utrku (sve segmente). Bodovanje se zasniva na finišnom vremenu ekipa.

PREMA OTVORENOSTI

39. Utrke mogu biti *otvorenog* i *zatvorenog* tipa, o čemu odlučuje organizator prilikom zahtjeva za uvrštavanje predmetne utrke u službeni kalendar natjecanja TPSBiH.
40. Zatvorena utrka je utrka u kojoj mogu nastupiti samo takmičari i takmičarke s važećom licencom TPSBiH ili bilo koje članice World Triatlona za tekuću godinu.
41. Otvorena utrka je utrka na kojoj mogu nastupiti svi takmičari bez obzira na licencu.

PREMA VRSTI STARTA

42. Utrke se također mogu dijeliti prema načinu starta: *grupni start* i *pojedinačni start*.

TAKMIČENJA

VI POJEDINAČNA DRŽAVNA PRVENSTVA BOSNE I HERCEGOVINE

43. Državna prvenstva BiH mogu se održavati godišnje u bilo kojoj disciplini navedenoj na početku ovog dokumenta: triatlon, duatlon i sl.
44. Mogu se održavati i pojedinačna prvenstva za određene starosne grupe (npr. Age Group ili juniorsko prvenstvo) i čisto ekipna prvenstva.
45. TPSBiH odlučuje na kojim disciplinama i u kojim kategorijama se održavaju državna prvenstva. U svakom slučaju, državna prvenstva moguća su samo na distancama koje su definisane na početku ovog dokumenta.
46. TPSBiH odlučuje koja se državna prvenstva održavaju svake godine.

47. Na državnom prvenstvu nastup takmičara je moguć samo za takmičare koji
 - a. posjeduju državljanstvo Bosne i Hercegovine
 - b. posjeduju važeću godišnju licencu TPSBiH.

TITULA DRŽAVNOG PRVAKA BOSNE I HERCEGOVINE

48. Državni prvak Bosne i Hercegovine je takmičar koji uspješno završi utrku državnog prvenstva sa apsolutno najbržim vremenom, te ispunjava uslove iz prethodne tačke.

VII EKIPNA DRŽAVNA PRVENSTVA BOSNE I HERCEGOVINE

49. TPSBiH je nadležan za dvije varijante ekipnih takmičenja: ekipna štafetna prvenstva i ekipna prvenstva.

EKIPNO ŠTAFETNO PRVENSTVO BOSNE I HERCEGOVINE

50. Ekipno mogu nastupiti sa 4 člana mješane štafete: dvije takmičarke i dva takmičara.
51. Redoslijed nastupa takmičara određuju članovi tima međusobno, uz uslov da se izmjenjuju prema pravilu: muško-žensko-muško-žensko.
52. Za konačni plasman potrebno je da članovi tima prijeđu zadane distance pojedinih disciplina jedan za drugim, a za konačno vrijeme (plasman) uzima se vrijeme prolaska posljednjeg člana odnosno druge izmjene drugog člana kroz ciljnu liniju.
53. Distance prema disciplinama i uzrastima su propisane na početku ovog dokumenta, a u skladu su sa World Triathlon pravilima.
54. U jednom timu je dozvoljen nastup svih uzrasnih kategorija koje imaju pravo nastupa na određenoj distanci.
55. Dozvoljen je istovremeni start i nastup na istoj stazi više uzrasnih kategorija u isto vrijeme.
56. Članovi tima mogu biti takmičari iz istog kluba.
57. Članovi tima za državno prvenstvo moraju biti takmičari iz istog kluba.
58. Kategorija tima definisana je najstarijim članom štafete (mlađi takmičari mogu nastupati za stariji tim na za to dozvoljenim disciplinama i distancama).
59. Obavezne kategorije timova za organizaciju i raspis TLBiH su kadetska, juniorska i seniorska, a svi se timovi rangiraju i u apsolutnom poretku.
60. Član štafete u apsolutnoj konkurenciji mora biti starosti minimalno navršениh 16 godina u godini takmičenja.
61. Članovi juniorske ili seniorske štafete moraju biti starosti minimalno navršениh 10 godina u godini takmičenja.
62. Klubovi mogu prijaviti više timova uz prethodno utvrđen poimeničan popis po timu. Klupski timovi imenuju se imenom kluba, kategorijom i rednim brojem. *PRIMJER: (IME KLUBA) KADETI 1.*
63. U timu za državno prvenstvo dozvoljen je nastup jednog stranog takmičara za klub, ali s godišnjom licencom TPSBiH, izuzev u kategoriji kadeta.
64. Ne dozvoljava se prijava stranih takmičara u kadetske timove.
65. Poredak timova određen je konačnim vremenom ulaska posljednjeg takmičara tima u cilj.
66. Na timskom štafetnom prvenstvu dozvoljen je nastup timova čiji članovi nisu licencirani za isti klub, ali se ti timovi pri objavi službenih rezultata državnog prvenstva izuzimaju iz poretka. Takvi timovi se prijavljuju pod samostalno odabranim imenom koje mora biti različito od imena klubova za koje su licencirani.

EKIPNA PRVENSTVA U OKVIRU POJEDINACNIH UTRKA I ZASEBNA EKIPNA PRVENSTVA BOSNE I HERCEGOVINE

67. Na ekipnom prvenstvu Bosne i Hercegovine svaki klub ima pravo najviše tri ekipe.
68. Klupske ekipe imenuju se imenom kluba.
69. Ekipe se sastoje od prvih tri licencirana takmičara istog kluba koja su uspješno završila utrku.
70. U slučaju da su za jedan klub nastupila samo dva takmičara, ekipa se sastoji od dva takmičara koja su uspješno završila utrku, uz dodavanje vremena sukladno distanci utrke:
 - za supersprint distancu: + 3:00:00 sata
 - za sprint distancu: +4:00:00 sati
 - za olimpijsku i klasičnu distancu: +5:00:00 sati
 - za srednje dugu distancu: +8:00:00 sati
 - za dugu distancu: +16:00:00 sati
71. Član ekipe može biti isključivo takmičar s važećom godišnjom licencom TPSBiH.
72. Članovi ekipe moraju biti istog spola (zasebno muške i ženske ekipe).
73. U jednoj ekipi je dozvoljen nastup svih kategorija koje imaju pravo nastupa na određenoj distanci.
74. Za konačni plasman zbrajaju se dostignuta vremena tri najbolja takmičara ili takmičarke iz pojedinog kluba prema rezultatima apsolutnog poretka i rezultatima državnog prvenstva za kategorije kadeta i kadetkinja.
75. Na ekipnim prvenstvima Bosne i Hercegovine dozvoljen je nastup jednog stranog takmičara za klub, ako isti ima važeću godišnju licencu TPSBiH.
76. Proglašenja na ekipnim prvenstvima Bosne i Hercegovine vrše se u apsolutnoj kategoriji i po starosnim kategorijama (kadeti, juniori) bez obzira da li su odvojeni startevi.

VIII TRIATLON LIGA BOSNE I HERCEGOVINE

77. Prioritet TPSBiH je organizacija takmičenja olimpijskih disciplina triatlona.
78. Za sve triatlonske discipline izuzev standardnog (olimpijskog) triatlona TPSBiH je oformio Triatlon ligu BiH (u daljnjem tekstu TLBiH). TLBiH je takmičenje otvorenog tipa bez obzira na licencu TPSBiH.
79. TLBiH se sastoji od najviše 5 utrka i to:
 - o prva do predzadnja utrka: takmičenja koje sačinjavaju kvalifikacijske utrke za nastup na završnom takmičenju koje je državno prvenstvo za discipline TLBiH;
 - o završno takmičenje: takmičenje sa utrkama za Državno prvenstvo Bosne i Hercegovine
80. Svako takmičenje TLBiH sastoji se od nekoliko utrka za mušku i žensku konkurenciju prilagođenih za sve uzraste, a prema tablicama koje određuju distance prema uzrastima sa početka ovog dokumenta.
81. Pravo nastupa na završnom takmičenju TLBiH koje je ujedno i državo prvenstvo, ostvaruje najboljih 60 takmičara i 40 takmičara po pojedinoj disciplini, a prema redoslijedu u koje ulaze 2 (dva) najbolja plasmana iz kvalifikacijskih utrka, uz minimalno 2 nastupa. Od ukupnog broja od 60 takmičara i 40 takmičarki ulazi minimalno 30 juniora i 25 juniorki, bez obzira na ukupni plasman na ljestvici TLBiH, a nadalje prema stanju na bodovnoj ljestvici.
82. Pravo nastupa na završnom natjecanju TLBiH koje je ujedno i državno prvenstvo ostvaruju svi takmičari uvršteni na World Triathlon Ranking ili ETU Ranking ljestvici na

osnovu bodova ostvarenim na takmičenjima nivoa eropskog kupa, svjetskog kupa ili World Triathlon (juniori i seniori).

83. Strani takmičari sa licencom TPSBiH ulaze sa liste najboljih 60 muških odnosno 40 žena.
84. Ukupni broj stranih takmičara bez licence TPSBiH, a sa pravom nastupa, limitiran je na 30 muških i 20 žena (junior i seniori zajedno).
85. Broj startera kvalifikacijskih utrka TLBiH je limitiran na 150 takmičara po kategoriji, a u slučaju većeg broja prijavljenih na jednom startu organizovat će se startovi po grupama.
86. Trener reprezentacije BiH ima diskrecijsko pravo prijaviti po 2 dodatna takmičara u muškoj i ženskoj konkurenciji po svakoj disciplini završnog natjecanja TLBiH, koje je ujedno i državno prvenstvo.
87. Odlukom Tehničkog delegata može se uvrstiti 1 (jedan) dodatni takmičar sa licencom TPSBiH koji nije stekao pravo nastupa po uslovima ovog Pravilnika, isključivo kao treći član ekipe za poredak na ekipnom Državnom prvenstvu. Dodatni takmičar ne ostvaruje plasman u pojedinačnoj konkurenciji.
88. Svi sportaši koji su korisnici finansijskih sredstava TPSBiH u tekućoj godini dužni su nastupiti na završnom takmičenju TLBiH koje je ujedno i državno prvenstvo.
89. Ukoliko pojedini sportaš korisnik finansijskih sredstava TPSBiH ne nastupi na državnom prvenstvu uz opravdan razlog, podliježe sankcijama UO-a. Opravdani razlog je nastup na utrkama evropskog ili svjetskog kupa i više ili ozbiljan medicinski razlog, a što će procijeniti UO TPSBiH.

IX OSTALA TAKMIČENJA

90. Utrke u nadležnosti TPSBiH mogu se preklapati sa razdobljem održavanja TLBiH, ali bez mogućnosti preklapanja unutar jednog vikenda, osim u slučaju organizacije na istoj lokaciji od strane istog organizatora.
91. Utrke multisportskih disciplina u nadležnosti TPSBiH organizuju se pojedinačno i ne mogu se terminski preklapati sa utrkama TLBiH.

POJEDINACNA PRVENSTVA

92. Pojedinačna državna prvenstva kao i grane i discipline te starosni uzrasti navedeni su u Sistemu kategorija i takmičenja, a koji je sastavni dio ovog Pravilnika.

KUP TRIATLON I PENTATLON SAVEZA BOSNE I HERCEGOVINE

93. Kup Triatlon i pentatlon saveza BiH organizuje se u disciplinama navedenim na početku ovog dokumenta. Odluku o organizaciji Kupa TPSBiH donosi UO TPSBiH.

ORGANIZACIJA

XI BODOVANJE

94. Bodovna ljestvica TLBiH je ljestvica za pojedine discipline TLBiH, formira se na način da se svakom takmičaru pripisuju bodovi ostvareni na utrkama svih kola TL BiH. Bodovanje pojedinih utrka se vrši prema *Tablici bodovanja utrka TL BiH*, koja je sastavni dio ovog Pravilnika.
95. Pobjednici TLBiH su takmičari s najvećim brojem ostvarenih bodova prema bodovnoj ljestvici TL BiH. U slučaju smanjenja ukupnog broja održanih takmičenja na manje od 2 takmičenja, neće se proglašavati pobjednici TL BiH.
96. U skladu sistema kategorija i takmičenja i sistema bodovanja utrka TL BiH nakon

završetka takmičarske sezone proglašavaju se za sve takmičarske kategorije prva tri takmičara/takmičarke sa državnog prvenstva u disciplinama TL BiH, i apsolutni pobjednici Kupa po pojedinim disciplinama u muškoj i ženskoj konkurenciji.

97. TPSBiH, ukoliko je u mogućnosti, osigurava praktične nagrade pobjednicima kupa. Visine i način dodjele nagrada te odabir praktičnih nagrada određuju se odlukom UO-a TPSBiH u skladu s mogućnostima Saveza na osnovu odluke UO-a.

XII STARTNINE NA UTRKAMA POD OKRILJEM TPSBiH

PRVENSTVA BOSNE I HERCEGOVINE I UTRKE TL BiH

98. TPSBiH određuje maksimalnu moguću startninu za nastup licenciranih takmičara na državnim prvenstvima i utrkama kupa za sve kategorije od najmlađih do zaključno kategorije U19, dok minimalni iznos za startninu svaki organizator određuje samostalno. Za takmičare bez licence TPSBiH ne propisuje minimalni niti maksimalni iznos startnine, već ga određuje organizator.
99. Organizator je dužan omogućiti prijavu takmičara do 72 sata prije službenog starta utrke, ukoliko utrka nije rasprodana (definisani broj startnih mjesta u raspisu) i nema više startnih mjesta.
100. Pregled startnina za sve kategorije

DISTANCE	POLETARCI	KADETI	JUNIORI	SENIORI	AGE GRUPE
Supersprint	Do 30 KM	Do 30 KM	Do 40 KM	Bez ograničenja	Bez ograničenja
Sprint	X	X	Do 50 KM	Bez ograničenja	Bez ograničenja
Olimpijske	X	X	X	Bez ograničenja	Bez ograničenja
Polu duga i duga	X	X	X	Bez ograničenja	Bez ograničenja

101. Startninu za niže rangirane utrke određuje sam organizator.

102. Startninu za ostala takmičenja određuje organizator utrke uz saglasnost TPSBiH.

XIII LICENCA ZA ORGANIZOVANJE DRŽAVNOG PRVENSTVA I UTRKE KUPA U SVIM DISCIPLINAMA

103. TPSBiH izdaje organizatoru/klubu licencu za organizovanje svih utrka za državno prvenstvo i kup. Naknada za licencu iznosi 2,00 KM po takmičaru licenciranom od strane TPSBiH koji je startao utрку.
104. TPSBiH će po završetku utrke na osnovu službenih rezultata izdati račun za licencu u roku od 7 kalendarskih dana nakon završetka utrke. Organizator/klub je dužan u roku 14 dana nakon izdavanja računa podmiriti troškove licence za organizaciju utrke.
105. Iznos uplaćen za licence za organiziranje svih utrka za državno prvenstvo i kup koristit će se isključivo za nagradni fond i praktične nagrade po odluci UO TPSBiH.
106. Saglasnost za organizaciju utrka pravnim osobama koje nisu članice TPSBiH te utrka pod okriljem drugih svjetskih federacija, a koje se održavaju na teritoriji Bosne i

- Hercegovine daje UO TPSBiH.
107. Sve pravne osobe koje organizuju utrke koje nisu u sistemu rangiranja TPSBiH nemaju ograničenja u definiranju startnina.
 108. Za sva takmičenja u Bosni i Hercegovini koja su pod okriljem drugih triatlon federacija (Ironman, Challenge, X-Terra i dr, koji organizuju takmičenja širom svijeta pod istim nazivom - brandom), za dobivanje saglasnosti organizacije od strane TPSBiH organizator je dužan uplatiti TPSBiH naknadu za izdavanje saglasnosti u iznosu od:
 - o 2,00 eura po prijavljenom takmičaru (u protuvrijednosti KM u skladu sa srednjim kursom CB BiH na dan izdavanja računa) za takmičenja s vremenskim limitom do četiri (4) sata;
 - o 4,00 eura po prijavljenom takmičaru (u protuvrijednosti KM u skladu sa srednjim kursom CB BiH na dan izdavanja računa) za takmičenja s vremenskim limitom do osam (8) sati;
 - o 6,00 eura po prijavljenom takmičaru (u protuvrijednosti KM u skladu sa srednjim kursom CB BiH na dan izdavanja računa) za takmičenja s vremenskim limitom preko osam (8) sati.
 109. Listu prijavljenih takmičara organizator je dužan dostaviti TPSBiH zaključno s danom prijava, ali ne manje od osam dana prije prijavljenog datuma utrke.
 110. Ostale pravne osobe, profesionalni organizatori koje nisu članovi TPSBiH niti drugih saveza, a organizuju utrku na teritoriju Bosne i Hercegovine koji ne organiziraju takmičenja pod istim nazivom - brandom za odobrenje organizacije triatlon utrke od strane TPSBiH, dužni su uplatiti TPSBiH za izdavanje suglasnosti u iznosu od:
 - o 1,00 eura po prijavljenom takmičaru (u protuvrijednosti KM u skladu sa srednjim kursom CB BiH na dan izdavanja računa) za takmičenja s vremenskim limitom do četiri (4) sata;
 - o 2,00 eura po prijavljenom takmičaru (u protuvrijednosti KM u skladu sa srednjim kursom CB BiH na dan izdavanja računa) za takmičenja s vremenskim limitom do osam (8) sati;
 - o 3,00 eura po prijavljenom takmičaru (u protuvrijednosti KM u skladu sa srednjim kursom CB BiH na dan izdavanja računa) za takmičenja s vremenskim limitom preko osam (8) sati.
 111. Listu prijavljenih takmičara organizator je dužan dostaviti TPSBiH zaključno s danom prijava, ali ne manje od osam dana prije prijavljenog datuma utrke.
 112. TPSBiH će izdati predračun, u skladu sa startnom listom, 7 dana prije utrke te je organizator dužan unutar 3 radna dana od izdavanja predračuna uplatiti iznos na račun TPSBiH. Ukoliko organizator to ne napravi, TPSBiH smatrat će prekršenim Ugovor o organizaciji takmičenja te organizatora prijaviti nadležnoj sportskoj inspekciji.
 113. Svi organizatori iz tačaka 90. i 92. dužni su pismenim putem obavijestiti TPSBiH o namjeri održavanja takmičenja do datuma 31. marta tekuće godine.
 114. Ukoliko broj takmičara na listi rezultata svih održanih utrka premašuje broj predprijavljenih takmičara, TPSBiH će izdati račun za dodatni konačni broj takmičara po svim rezultatskim listama.
 115. Sva takmičenja triatlona i multisporta u organizaciji prema tačkama 92. i 95. ovog Pravilnika koja nisu ispunila obaveze po ovom Pravilniku bit će prijavljena svim nadležnim institucijama za izdavanje potrebnih dozvola te pokrenuti postupak zabrane takmičenja.

XIV KALENDAR TAKMIČENJA

116. Kalendar takmičenja TPSBiH izrađuje Upravni odbor TPSBiH najkasnije do 28. februara

godine na koju se odnosi, uz po potrebi konsultacije i preporuku Sudačko-tehničke komisije TPSBiH.

117. Kalendar takmičenja može se dopunjavati utrkama svih rangova. O dopuni kalendara takmičenja UO odluku mora donijeti najmanje 60 dana prije planiranog datuma održavanja utrke, a potencijalni organizator dostaviti pismenu kandidaturu najmanje 70 dana prije dana organizacije. U slučaju otkazivanja pojedine utrke od strane organizatora, UO može u roku kraćem od propisanog dodijeliti rang drugoj utrci i napraviti izmjene službenog kalendara.
118. Kalendarom takmičenja utvrđuju se državna prvenstva i ostali rangovi utrka prijavljenih TPSBiH.
119. Utvrđeni kalendar takmičenja može se mijenjati samo u opravdanim okolnostima.
120. Odgađanje utrke već utvrđene kalendarom TPSBiH organizator je obavezan pismeno najaviti TPSBiH, najmanje 30 dana prije predviđenog datuma održavanja takmičenja, osim u slučaju valjanog razloga.
121. Za odgađanje ili otkazivanje utrke ranga iz službenog kalendara TPSBiH u roku kraćem od 30 dana prije predviđenog datuma održavanja takmičenja, valjanim razlogom smatraju se uslovi na koje organizator nikako nije svojim postupcima mogao utjecati, poput vremenskih uslova, neplaniranih radova, prirodnih katastrofa, epidemija i sl. Odluku o opravdanosti razloga otkazivanja donosi UO.
122. Utrka ranga državnog prvenstva može se u posebnim okolnostima održati u inostranstvu. Odluku o imenovanju utrke u inostranstvu državnim prvenstvom, UO je dužan donijeti najmanje 120 dana prije takmičenja.
123. Organizatoru koji otkaze utrku bez valjanog razloga UO TPSBiH može uskratiti pravo ponovnog kandidiranja za organizaciju utrka u idućoj takmičarskoj sezoni.

UVRŠTAVANJE TRKE U KALENDAR TPSBiH

124. Organizator je prilikom zahtjeva za uvrštavanje predmetne utrke u službeni kalendar takmičenja TPSBiH obavezan navesti za koji rang takmičenja kandiduje utrku te hoće li ona biti otvorenog ili zatvorenog tipa.
125. Konačnu odluku o dodjeljivanju ranga pojedinoj utrci donosi UO TPSBiH.

XV SLUŽBENE OSOBE TPSBiH NA TAKMIČENJIMA

126. Službene osobe TPSBiH na takmičenjima su:
 - tehnički delegat (u daljnje tekstu TD);
 - asistent tehničkog delegata (u daljnjem tekstu ATD);
 - glavni sudija (u daljnje tekstu GS);
 - pomoćni suci (u daljnje tekstu TO)
127. Organizator je obavezan angažovati glavnog suca i pomoćne suce (TO) licencirane od strane TPSBiH na način da tehničkog delegata i asistenta tehničkog delegata za takmičenje TL BiH i kupa odabire Takmičarska komisija TSBiH, a glavnog suca i ostale TO angažuje organizator takmičenja, a potvrđuje tehnički delegat. Odabrane službene osobe iz člana 98. izuzev TD-a mogu se angažovati uz preporučenu minimalnu dnevnu naknadu ili volonterski. Svako takmičenje mora imati adekvatan broj TO. Minimalan broj TO po distancama je slijedeći:

Minimalan broj sudaca (uključeni TD, ATD i GS)	Triatlon TL BiH	Ostale discipline TL BiH	Triatlon kup	Ostale discipline kup	2. i 3. stepen takmičenja po ovom Pravilniku
Supersprint	6	5	5	4	4
Sprint	6	5	5	4	4
Olimpijski	6	5	5	4	4
Srednja distanca	/	8	/	7	6
Duga distanca	/	10	/	9	6

128. Nulti i prvi stepen takmičenja nije obavezan zatražiti i imati delegirane službene osobe od strane TPSBiH. Ako ih zatraže, minimalan broj je kao i za 2. i 3. stepen takmičenja.
129. Gore navedeno je minimalan broj TO-a. Konačan broj potrebnih TO i redara koje osigurava organizator za predmetno takmičenje određuje tehnički delegat utrke, poštujući specifičnosti staze i uslove u kojima se utrka održava.
130. Na takmičenjima TLBiH, Takmičarska komisija TS BiH može imenovati asistenta tehničkog delegata iz lokalne sredine uz tehničkog delegata, a koji uz poslove pomoćnika tehničkom delegatu obavlja i ostale poslove TO-a.
131. Preporučena minimalna neto dnevna naknada za rad GS i TO iznosi:

Vrijeme od otvorenja zone prve utrke dana takmičenja do vremenskog limita zadnje utrke.	GS	TO
Do 2:00h	50 KM	30 KM
2:00h - 4:00h	60 KM	40 KM
4:00h - 6:00h	70 KM	50 KM
6:00 - 10:00h	90 KM	70 KM
Više od 10:00h	100 KM	80 KM

132. Naknadu za rad tehničkog delegata u iznosu netto 200 KM po danu natjecanja podmiruje TPSBiH za sva takmičenja u roku 30 dana po završetku pojedinog takmičenja.
133. Za sva takmičenja naknade za rad ATD-a, GS-a i TO-a podmiruje organizator.

134. Naknade za rad GS-a i TO-a na svim takmičenjima uplaćuje organizator u skladu sa Pravilnikom o materijalno finansijskom poslovanju TPSBiH u roku 30 dana od dana prema preporukama iz člans 103.
135. Uz naknade za obavljanje sudijskih i tehničkih aktivnosti, organizator svih takmičenja je dužan podmiriti stvarne troškove prijevoza, cestarine te eventualne troškove smještaja ili osigurati adekvatni smještaj o svom trošku, u skladu sa uputstvom UO TPSBiH za tekuću godinu.
136. Sve eventualne nesporazume i nepoštivanje finansijskih obaveza organizatora prema GS-u i TO-ima rješava UO TPSBiH.

XVI ORGANIZACIJA TAKMIČENJA OPŠTE ODREDBE

UTRKE NA TAKMIČENJU

137. Organizator takmičenja treba da odredi glavnu utrku takmičenja koja je namjenjena elitnoj kategoriji takmičara: seniorima.
138. Uvijek treba težiti tome da glavna utrka takmičenja bude olimpijski triatlon ukoliko to okolnosti dozvoljavaju, jer je to olimpijska disciplina.
139. Ukoliko to okolnosti ne dozvoljavaju, onda po potrebi skratiti distancu glavne utrke (sprint ili supersprint), i/ili promjeniti disciplinu (duatlon, akvatlon, zimskom triatlon, kros triatlon, kros duatlon itd).
140. Bez obzira na distancu i disciplinu glavne utrke, potrebno je dodatno organizovati utrke za mlađe uzraste: U23, juniore, kadete i poletarce, u distancama specificiranim na početku ovog dokumenta.
141. Moguće je organizovati utrku za mlađe uzraste u jednostavnijoj disciplini. Npr. ako je glavna utrka triatlon, moguće je organizovati akvatlon za uzrast Poletaraca.
142. Dodatno se organizatorima preporučuje organizacija mješane štafete, koja je također olimpijska disciplina, nekoliko sati nakon glavne utrke, ili dan nakon glavne utrke.

UOPŠTENO

143. Prije početka takmičarske sezone, svaki organizator utrke uvrštene u službeni Kalendar takmičenja dužan je sa Savezom potpisati Ugovor o provedbi sportskog takmičenja. Jedan primjerak ugovora se arhivira u TPSBiH.
144. Organizator takmičenja dužan je najmanje 30 dana prije održavanja utrke predložiti prijedlog raspisa utrke poslati Takmičarskoj komisiji TPSBiH (u daljem tekstu: TK TPSBiH), a koji ga dalje prosljeđuje imenovanom tehničkom delegatu. Nakon eventualnih izmjena i uputstava dobivenih od tehničkog delegata, Organizator takmičenja je dužan ažurirati raspis prema dobivenim upustvima.
145. Tehnički delegat takmičenja dužan je najmanje 30 dana prije održavanja utrke TL BiH i 20 dana prije ostalih utrka dostaviti TK TPSBiH konačni raspis takmičenja ili obavijestiti TK TPSBiH da isti nije dobio od organizatora, pri čemu TK TPSBiH po službenoj dužnosti pokreće postupak otkazivanja utrke prema UO TPSBiH. Konačni raspis se objavljuje na stranicama TPSBiH najkasnije 20 prije dana za utrke TL BiH i 15 dana prije datuma utrke za ostala takmičenja.
146. Organizator je dužan na svojim stranicama imati u potpunosti iste podatke Raspisa takmičenja kakvi su objavljeni na službenim stranicama Saveza i omogućiti online prijave.
147. Osim obaveznih podataka propisanih ovim Pravilnikom i ostalim službenim dokumentima Saveza, službeni raspis mora sadržavati:
 - Datum, mjesto i tačno vrijeme održavanja;

- Dužinu i opis staze sa skicom i detaljnom mapom za sve distance pojedinačno i sve segmente trke zasebno: plivanje, biciklo, trčanje i zona izmjene;
 - Satnicu/Raspored događanja;
 - Takmičarske kategorije i pravila takmičenja;
 - Visinu startnine i što je u nju uključeno;
 - Nagrade (ako su osigurane moraju biti u istom iznosu i/ili vrijednosti za mušku i žensku konkurenciju);
 - Odgovornu osobu za kontakt;
 - Ime i prezime i e-mail adresu dodijeljenog tehničkog delegata;
 - E-mail adresu TPSBiH;
 - Podatke kluba / organizatora (ime, adresu);
 - Podatke o objavi rezultata takmičenja.
148. Prije dodjele pojedinih utrka organizatorima TPSBiH može odabrati jedinstvenu mjernu službu za sve utrke TPSBiH i ostala državna prvenstva.
149. Rezultate objaviti online

INFO – PLOČA

150. Info ploču za sve učesnike organizator je obavezan postaviti na, za sve sudionike, vidljivom mjestu. Njen sadržaj mora imati slijedeće informacije:
- Poziv na utrku (raspis utrke) sa skicom staze;
 - Temperature vode i zraka (plivačko odijelo da/ne);
 - Vožnja u zavjetrini (dozvoljena ili ne);
 - Sastav Žalbenog vijeća;
 - Startna lista;
 - Ciljna lista s rezultatima, link (qr code) sa rezultatima

SIGURNOST, OSIGURANJE, DOKUMENTI, BRIFING

151. Obaveza je organizatora osigurati sigurnost i pružanje medicinske pomoći 30 minuta prije početka takmičenja do 30 min nakon službenog završetka takmičenja na licu mjesta.
152. Organizator je obavezan osigurati utrku od odgovornosti prema trećim osobama (takmičare, tehničko osoblje i gledaoce).
153. Organizator je dužan prijaviti javno okupljanje/takmičenje nadležnoj policijskoj upravi.
154. Organizator ima obavezu i odgovornost pribavljanja svih dozvola od grada, lokalne uprave, saobraćajne policije i ostalih za to nadležnih tijela, a koje se tiču regulacije saobraćaja na plivačkoj, trkačkoj i biciklističkoj dionici te u zoni izmjene.
155. Kopije pribavljenih dozvola Organizator je dužan poslati elektronskim putem tehničkom delegatu najkasnije 3 dana prije početka takmičenja. Originale pribavljenih dozvola tehnički delegat može zatražiti na uvid na dan utrke prije početka takmičenja, a koji u izvještaju potvrđuje da je iste pregledao.
156. Ukoliko Organizator nema potrebne dozvole, TD mora na licu mjesta otkazati utrku.
157. Glavni sudija dužan je rezultate s utrke pregledati i ovjeriti u najkraćem mogućem vremenu, te iste predati organizatoru za objavu na oglasnoj ploči. Nakon završetka takmičenja glavni sudija rezultate sa utrka predaje tehničkom delegatu.
158. Takmičarska komisija TPSBiH čuva dokumente koje sačinjava: izvještaj tehničkog delegata s dozvolama i rezultate utrke.
159. Organizator je dužan osigurati sanitarni čvor ili wc, kao i dovoljan broj koševa ili vreća za otpad, te osigurati potpuno čišćenje korištenih lokacija nakon takmičenja.

160. Organizator je uz pomoć tehničkog delegata dužan odraditi usmenu najavu ("brifing") i objasniti takmičarima detalje oko bitnih segmenata takmičenja i specifičnosti staze utrke.
161. Takmičari, treneri i vođe ekipa su se prije starta dužni informisati o detaljima segmenata takmičenja i specifičnosti staze utrke. Eventualne nejasnoće s tehničkim delegatom i/ili glavnim sucem razjašnjavaju treneri ili vođe ekipa prije početka takmičenja.

XVII ORGANIZACIJA TAKMIČENJA PO DIJELOVIMA

VOĐENJE PLIVAČKOG DIJELA TAKMIČENJA:

162. Takmičarski broj će biti jasno označen voodootpornim flomasterom ili sportskom tetovažom na najmanje jednoj njegovoj ruci i jednoj nozi (lijeva ruka, desna noga ili obrnuto).
163. Plivačka staza kod koje je start i cilj na istom mjestu treba biti takva da takmičari međusobno ne sijeku jedan drugom smjer.
164. Organizator je obavezan osigurati čamac za TO i kontrolu prolaza oko plutače/a kao i najmanje dva plovila za pratnju vodećeg i zadnjeg takmičara.
165. Svi organizatori takmičenja u nadležnosti TPSBiH trebaju se pridržavati parametara pri korištenju neoprenskih odijela u plivačkom dijelu takmičenja. Neoprensko/plivačko odijelo ne smije biti deblje od 5mm i upotreba skinova nije dozvoljena, osim u paratriatlonu.
166. Tehnički delegat ima obavezu otkazivanja plivačkog segmenta utrke ukoliko je temperatura vode ispod 13 C i pravo otkazivanja u uslovima u kojima je ugrožena sigurnost takmičara, u skladu sa pravilima World Triatlona. O svemu je TD dužan pismeno obavijestiti putem oglasne ploče.

VOĐENJE BICIKLISTIČKOG DIJELA TAKMIČENJA:

167. Nije dozvoljena vožnja bicikla u zoni izmjene.
168. Saobraćajna pravila moraju se poštivati osim ako staza nije zatvorena za normalan saobraćaj od strane mjesno nadležne PU-e.
169. Potpuno zatvaranje ceste obavezno je za sve utrke TL BiH i kupa na distancama supersprint i sprint.
170. Zatvaranje ceste ovisi o procjenama za konkretnu dionicu utrke koje Organizator dobiva od za to nadležnog tijela.
171. Za sve utrke propisana je obavezna maksimalna regulacija saobraćaja.
172. Organizator ima obavezu pribavljanja svih dozvola od grada, lokalne uprave, saobraćajne policije i ostalih za to nadležnih tijela, a koje se tiču regulacije saobraćaja na biciklističkoj dionici.
173. Takmičari su osobno odgovorni za legalan status svojih bicikala na startu utrke i tehničku ispravnost i funkcioniranje svih dijelova bicikla prije starta.
174. Biciklistička zaštitna kaciga je obavezna.
175. U biciklističkom dijelu takmičar mora na tijelu nositi broj koji je dobio od organizatora, a ukoliko je broj pomičan, treba biti okrenut na leđa i dobro vidljiv.
176. Vožnja u zavjetrini nije dozvoljena na takmičenju dugog triatlona. Na ostalim takmičenjima nije dozvoljena vožnja u zavjetrini za vozačem suprotnog spola. Vožnja u zavjetrini nije dozvoljena kod hromometarskim (pojedinačnim) startom.
177. Takmičari ne smiju namjerno sprečavati napredovanje ostalih takmičara niti im pomagati u kretanju prema naprijed.

178. Staza mora imat jednoznačne i uočljive oznake - pokazivače smjera i redare - pokazivače pravca.
179. Organizator je dužan osigurati minimalno jedan motocikl s vozačem za TO ukoliko su utrke razdvojene po spolovima. Ukoliko postoji mogućnost kolizije takmičara različitih spolova za vrijeme biciklističkog segmenta organizator je dužan osigurati minimalno 2 motocikla sa vozačima ili dovoljan broj TO raspoređenih po stazi.
180. Za utrke u distancama dužim od standardnih obavezna je okrepa na biciklističkom segmentu prema pravilima World Triathlona.

VOĐENJE TRKAČEG DIJELA TAKMIČENJA:

181. Obavezna je okrepa – voda na trkačkoj stazi na maksimalnoj udaljenosti od 2,5 km između okrijepnih tačaka uključujući ciljni prostor. Tehnički delegat uz određivanje lokacije u slučaju potrebe za vrijeme visokih temperatura i vlage može zahtijevati i manji razmak između okrijepnih tačaka.
182. Takmičar mora na tijelu nositi broj koji je dobio od organizatora, ukoliko je pomičan treba biti okrenut naprijed i dobro vidljiv.
183. Staza mora imati jednoznačne i uočljive pokazivače smjera i redare.
184. Organizator mora osigurati minimalno jedan bicikl i kacigu za TO-a koji vozi ispred vodećeg takmičara.
185. Nakon ulaska vodećeg takmičara u cilj TO dužan je ispratiti zadnjeg takmičara sa staze.

VOĐENJE DIJELA TAKMIČENJA U ZONI IZMJENE:

186. Zona izmjene mora biti potpuno ograđena s obaveznom mogućnošću postavljanja bicikla (stalci, cijevi ili slično).
187. Nije dozvoljena vožnja bicikla u zoni izmjene.
188. Takmičari ne smiju sprečavati napredovanje ostalih takmičara u zoni izmjene niti im je dozvoljeno svoju opremu miješati s opremom ostalih takmičara u zoni izmjene.
189. Takmičari moraju sići/popeti se na bicikle u za to točno određenom prostoru ili liniji.
190. Obaveza je takmičara zakopčati zaštitnu kacigu prije uzimanja bicikla i otkopčati i ostaviti kacigu tek nakon ostavljanja bicikla.

PROSTOR ZA ODRAĐIVANJE KAZNI

191. Organizator je dužan osigurati prostor i opremu za odrađivanje vremenskih kazni opremljen pločom na kojoj se jasno mogu naznačiti brojevi i oznake. Prostor za odrađivanje vremenskih penala mora biti dobro vidljiv takmičarima te jasno označen vidljivim natpisom.

START UTRKA

192. Na utrkama TL BiH kao i na ostalim triatlonskim utrkama ili utrkama multisporta gdje je dopuštena zavjetrina, a izuzev standardnih distanci, startovi utrka moraju biti odvojeni na način da ne postoji mogućnost spajanja takmičara različitih spolova na biciklističkom segmentu.
193. Na utrkama standardnih distanci za TL BiH i kup moguće je startati utrku s kolizijom takmičara između spolova ukoliko su za to osigurani preduvjeti. Tehnički delegat mora start odvojiti na način da se kolizija između takmičara različitih spolova na biciklističkom segmentu ne dogodi ili da je svede na minimum. Za utrke gdje je dopuštena zavjetrina razmak starteva mora biti definisan na način da ne postoji mogućnost spajanja takmičara različitih spolova na biciklističkom segmentu, a za utrke gdje je zavjetrina na biciklističkom segmentu zabranjena, razdvojiti start utrke toliko da

omogućuje sigurnost ženskih takmičarki i onemogućuje utjecaj muških takmičara na rezultat u prvom segmentu utrke.

194. Odluka tehničkog delegata o redosljedu startova je konačna i obavezujuća.
195. Ukoliko postoji mogućnost odvajanja utrke kadeta od utrke ostalih takmičara, odvajanje se preporučuje. Odluku o odvajanju utrke donosi tehnički delegat u dogovoru sa organizatorom utrke prije objavljivanja raspisa utrke.

PODJELA NAGRADA NA UTRKAMA

196. Organizator je dužan podijeliti svim učesnicima koji uspješno završe utrku finišerske medalje.
197. Za kategorije Poletarci C i Poletarci B organizatoru se ne preporučuje podjela podiumskih medalja. Za ove dvije najmlađe kategorije, preporučuje se jednak tretman svih učesnika, tj podjela finišerskih medalja i diploma.
198. Organizator utrke je dužan organizovati dodjelu medalja i diploma za prva tri mjesta u svim kategorijama, muškim i ženskim, starijim od 10 godina, dakle za kategorije Poletarci A i starije.

VANREDNE OKOLNOSTI

199. U slučaju nepovoljnih vremenskih i drugih uslova, TD i organizator imaju pravo promijeniti tip takmičenja, skratiti distance, odgoditi ili u najgorem slučaju otkazati utrku, ako je sigurnost učesnika ugrožena.
200. Npr. ukoliko ssu valovi na segmentu plivanja ogromni, moguće smanjiti distancu plivanja ili čak triatlon utrku pretvoriti u duatlon utrku, tj segment plivanja zamjeniti sa trčanjem.

XVIII SLUŽBENE OSOBE TAKMIČENJA

201. Službene osobe takmičenja su tehnički delegat, asistent TD, članovi sudačko-tehničke organizacije i članovi Žalbenog vijeća.
202. Dužnosti i zadaci koje mogu obavljati propisane su Pravilnikom o sudačko-tehničko organizaciji TPSBiH.

KOMUNIKACIJA

203. Na takmičenjima TL BiH i kupa organizator je za potrebe provedbe pravila takmičenja dužan osigurati za rad TO-a minimalno 3 radio uređaja.

TAKMIČARSKA KOMISIJA TPSBiH (TK TPSBiH)

204. Takmičarska komisija je formirana i imenovana od strane TPSBiH i pored ostalih zaduženja, zadužena je za imenovanja tehničkih delegata, asistenata tehničkog delegata kao i kontrolu i procjenu provedbe pojedinih segmenata takmičenja.
205. Za utrke TL BiH i kupa po potrebi imenuje asistenta tehničkog delegata iz lokalne sredine i potvrđuje glavnog sudiju takmičenja po prijedlogu TD-a.
206. Dužnost i obaveze Takmičarske komisije definisana su Pravilnikom o sudačko-tehničko organizaciji TPSBiH koju na prijedlog Sudačko-tehničke komisije TPSBiH donosi UO.

TEHNICKI DELEGAT (TD)

207. Tehničkog delegata imenuje Takmičarska komisija TPSBiH, a nakon odluke UO-a o odabiru organizatora pojedine utrke.
208. Sva službena takmičenja u kalendaru TPSBiH nadgledana su od strane TD-a TPSBiH.

209. Ukoliko imenovani TD nije u mogućnosti prisustvovati takmičenju dužan je pismeno o tome obavijestiti TK TPSBiH. Predsjednik TK TPSBiH lično zamjenjuje TD-a, ako je kratko vrijeme za izbor novog TD.
210. TD na dan takmičenja u što kraćem vremenu nakon završetka posljednje utrke prosljeđuje rezultate takmičenja provjerene od strane glavnog sudije TK TPSBiH u elektronskom obliku, u formi zadane Excel tablice.
211. TD nakon takmičenja izrađuje u zadanoj formi Excel tablice izvještaj o istom i dostavlja ga TK TPSBiH najkasnije 7 dana nakon održanog takmičenja.
212. TD je zadužen za provođenje ceremonije proglašenja pobjednika, a koju provodi zajedno sa organizatorom utrke.
213. Izvještaj sa takmičenja je službeni dokument, te je u slučaju spora jedini mjerodavni dokument.
214. TD ima punu ovlast ispred TPSBiH da vlastitom procjenom uputi organizatoru prigovor u slučaju nepravilnosti definisanih ovim Pravilnikom i drugim mjerodavnim propisima i pravilnicima nadređenih institucija i organizacija.
215. TD ima punu ovlast ispred TPSBiH da, ukoliko postoji realna situacija koja ugrožava sigurnost takmičara, upozori i u krajnjem slučaju prekine takmičenje.
216. TD ima punu ovlast ispred TPSBiH da, odredi vremenske limite trajanja pojedine utrke ili segmenata pojedinih utrka radi sigurnosti i regularnosti takmičenja.
217. TD predlaže glavnog sudiju TK TPSBiH i određuje zadatke ostalih TO-a predloženih od strane organizatora takmičenja.

ASISTENT TEHNICKOG DELEGATA (ATD)

218. ATD-a imenuje TK TPSBiH za sve utrke TL BiH i kupa, a nakon odluke UO-a o odabiru organizatora pojedine utrke.
219. ATD imenovan je uvijek iz lokalne sredine i obavlja poslove koordinacije organizacije utrke između tehničkog delegata i organizatora utrke o čemu pravovremeno i redovno izvješćuje tehničkog delegata.
220. ATD uz navedene poslove, na dan utrke, obavlja poslove TO-a na utrci.
221. Rad ATD-a nagrađuje se kao pozicija TO za vrijeme predmetne utrke

TEHNIČKO OSOBLJE (TO) (POMOĆNI SUCI)

222. Tehničko osoblje (TO) ili pomoćni suci utrke licencirane su službene osobe TPSBiH s važećom licencom TPSBiH ili važećom licencom krovne organizacije World Triathlon.
223. Glavnog suca (GS) i TO (pomoćne suce) potvrđuje tehnički delegat na prijedlog organizatora dan prije utrke, uz mogućnost zamjene na sam dan takmičenja.

ŽALBENO VIJEĆE UTRKE:

224. Žalbeno vijeće obavezno je na svim natjecanjima u nadležnosti TPSBiH.
225. Žalbeno vijeće čine tri člana: tehnički delegat utrke, predstavnik organizatora i predstavnik TPSBiH ili neutralni predstavnik.
226. Članovi Žalbenog vijeća ne mogu biti: sudačko ili tehničko osoblje utrke uz iznimku TD-a, sportaš koji se natječe na predmetnom takmičenju, akreditovani trener kluba i/ili službeni predstavnik kluba za predmetno takmičenje.
227. Imena članova Žalbenog vijeća te mjesto i vrijeme sastanka Žalbenog vijeća nakon takmičenja moraju biti objavljeni na info-ploči prije početka takmičenja.
228. Glavni sudija utrke ne može biti član Žalbenog vijeća, ali mora biti dostupan za savjetovanje u slučaju žalbi.

229. Žalbu podnosi predstavnik kluba ili takmičar u pismenom obliku najkasnije 15 minuta nakon objavljivanja neslužbenih rezultata, uz polog u iznosu od 50 KM koje se vraćaju podnosiocu u slučaju da je žalba osnovana, bez obzira na to da li se žalba konačnom odlukom Žalbenog vijeća usvaja ili odbacuje.
230. U slučaju da se naknadnom analizom brojčanih rezultata utvrdi rezultatska anomalija, žalbu na službene rezultate takmičenja može podnijeti Glavni sudija takmičenja ili predstavnik kluba u ime takmičara u roku od tri dana nakon završetka takmičenja pisanim putem. Konačnu odluku o usvajanju žalbe donosi TK TPSBiH nakon konsultacija sa tehničkim delegatom i glavnim sudijom utrke najkasnije osam dana od dana zaprimanja žalbe.

GLAVNI SUDIJA UTRKE:

231. Glavni sudija utrke nadgleda sve sudačke funkcije na takmičenjima u organizaciji TPSBiH ili njegovih članova.
232. Glavni sudija utrke donosi konačnu odluku o dodjeljivanju i provođenju dodijeljene kazne takmičaru.
233. Glavni sudija utrke potpisom ovjerava tačnost rezultata takmičenja i potpisane rezultatske liste predaje tehničkom delegatu.
234. Glavnog suca predlaže tehnički delegat i potvrđuje TK TPSBiH.

XIX MJERENJE VREMENA I REZULTATI

235. Vremenska ograničenja za pojedine segmente utrke mogu biti postavljena uz odobrenje tehničkog delegata ili od samog tehničkog delegata utrke prije objave raspisa odnosno početka prijave za predmetno takmičenje.
236. Svaki takmičar ima pravo završiti započeto takmičenje, ali nakon isteka vremenskog ograničenja utrke to nastavlja činiti na vlastitu odgovornost. Organizator nije dužan mjeriti vrijeme nakon isteka vremenskog ograničenja utrke, ali to može činiti. Rezultat ostvaren nakon isteka vremenskog limita na rezultatskoj će listi biti označen Pravilima natjecanja Međunarodne triatlonske federacije oznakom DNF.
237. Organizator je obavezan mjeriti prolazna vremena pojedinih segmenata kako slijedi: plivanje ili prvo trčanje: od starta do cilja, biciklistički segment: od cilja prvog segmenta do starta drugog trčanja drugo trčanje: od starta do cilja.
238. Na utrkama TL TPSBiH i tmskog štafetnog prvenstva obvezno je mjerenje vremena koje sportaš tokom kontinuiranog takmičenja provodi u zoni izmjene (T1 i/ili T2), kao i postotni podatak o ukupnom zaostatku iza pobjednika utrke.
239. Na utrkama standardnog (olimpijskog) triatlona i multisport disciplina sa biciklističkim ili MTB segmentom ukoliko nije moguće zasebno mjeriti vrijeme provedeno u zonama izmjene (T1 i/ili T2), isto se pridodaje vremenu biciklističkog segmenta utrke.
240. Obvezni format službenih rezultata utrka državnog ranga (prvenstva ili kupa) može biti propisan odlukom UO-a za sezonu takmičenja najmanje 60 dana prije održavanja prve utrke prvenstva ili kupa.
241. Službeni rezultati će biti objavljeni po isteku žalbenog roka za pojedinu utrku na oglasnoj ploči ili drugom vidljivom mjestu.
242. Obaveza je organizatora da neslužbene rezultate objavi na info-ploči odmah po potpisivanju rezultata od strane glavnog sudije, a ne kasnije od 5 min nakon završetka utrke. U slijedećih 15 minuta klubovi imaju pravo žalbe koja se ulaže isključivo pismenim putem, poštujući propisanu žalbenu proceduru.
243. Službeni rezultati će biti dostupni svim zainteresiranim medijima i takmičarima neposredno nakon isteka žalbenog roka na licu mjesta, odnosno u roku 48 h na

internet stranici TPSBiH.

244. Mjerna služba daje organizatoru i tehničkom delegatu po jedan isprintani komplet svih službenih rezultata koji uključuje startnu listu, ciljnu listu takmičara ukupno, ciljnu listu takmičara po kategorijama i sve ostale liste koje je organizator predvidio za podjelu nagrada u skladu sa raspisom takmičenja.
245. Elektronsko mjerenje je obavezno na svim utrkama TL BiH i kupa. Organizatori utrke podmiruju troškove elektronskog mjerenja.
246. Utrke nižeg ranga na kojima elektronsko mjerenje nije obavezno dužni su rezultate u propisanom tabličnom (Excel) formatu i .pdf formatu dostaviti na TK TPSBiH i omogućiti njihovo slobodno korištenje i službenu korekciju za potrebe Saveza i sportaša najkasnije 7 dana nakon održavanja.

XX NASTUP SPORTAŠA NA UTRCI I CEREMONIJAL PROGLAŠENJA

247. Sportašice i sportaši dužni su se na takmičenjima ponašati pristojno, poštujući organizatora i tehničko osoblje utrke, sudije, gledatelje i ostale učesnike takmičenja.
248. Sportašice i sportaši dužni su na takmičenjima poštovati načela *fair play*, posebno vodeći računa o vlastitoj sigurnosti i sigurnosti ostalih učesnika takmičenja.
249. Sportašice i sportaši na takmičenjima TL BiH i kupa ne smiju nastupati u BH reprezentativnom dresu niti u dresu s imenom drugog sportaša/sportašice.
250. Obavezno je nošenje klupskog dresa sa ili bez prezimena ili nekog drugog, neutralnog dresa.
251. Sportašice i sportaši - osvajači medalja - dužni su se pojaviti na ceremoniji proglašenja, adekvatno i primjereno obučeni u odjeću s obilježjima kluba odnosno u takmičarskom dresu ili drugoj sportskoj opremi s obilježjima kluba za koji nastupaju.
252. Ukoliko iz opravdanih razloga ne mogu prisustvovati ceremoniji proglašenja, sportašice i sportaši -osvajači medalja - moraju svoj izostanak prijaviti Tehničkom delegatu utrke koji može opravdati izostanak i o čemu stavlja bilješku u zapisnik utrke.
253. Ceremoniju proglašenja na svim utrkama kontrolira tehnički delegat utrke, a podjelu medalja vrši organizator prema rasporedu iz raspisa utrke.
254. Proglašenje pobjednika u apsolutnom poretku pojedine utrke za TL BiH će se održati neposredno nakon završetka utrke i objave ovjerenih rezultata od strane glavnog sudije ili na zajedničkoj završnoj ceremoniji takmičenja sa više utrka, a sve u skladu sa raspisom utrke.
255. Proglašeni takmičari dužni su prisustvovati ceremoniji u takmičarskom dresu ili drugoj sportskoj opremi s obilježjima kluba za koji nastupaju.
256. Organizator utrke je dužan u prostor proglašenja postaviti dostavljene reklamne i promotivne materijale TPSBiH.
257. TPSBiH može imenovati službenu osobu koja na utrkama državnog prvenstva, kupa i ostalim utrkama brine o pravovremenom postavljanju privremenih i službenih rezultata utrke, podjeli medalja, nadzire i upozorava organizatora na uvjete za očuvanju okoliša i ostalim poslovima koje Organizatoru olakšavaju osiguranje primjerenih uvjeta proglašenja. TPSBiH će o imenovanju službene osobe za utрку o tome pismenim putem obavijestiti organizatora.
258. Ukoliko se tijekom takmičarske sezone za tim ukaže potreba, UO TPSBiH može propisati dodatna obavezujuće uputstva vezana za ceremoniju proglašenja u roku ne manjem od 30 dana od dana prve primjene.

XXI POVREDE DUŽNOSTI I PRAVILA NA TAKMIČENJIMA

259. Svaka osoba koja se ponaša nedolično, nasilno ili koristi uvredljive izraze prema sucima i tijelima TPSBiH ili općenito svakoj osobi koja obnaša dužnost propisanu Statutom ili nekim od pravilnika TPSBiH bit će sankcionirana u skladu sa aktima TPSBiH.
260. Svaka osoba koje se bez opravdanog razloga ne odazove na poziv organa TPSBiH u zakazano vrijeme podliježe sankcijama TPSBiH.
261. Manje povrede dužnosti i pravila propisanih Pravilnikom o sudačko-tehničkoj organizaciji TPSBiH u prvom stepenu (pismenom opomenom) donosi TK TPSBiH.
262. Povrede dužnosti i pravila propisanih Pravilnikom o sudačko-tehničkoj organizaciji TPSBiH u drugom stepenu, TK TPSBiH je dužna prijaviti Disciplinskom sudu TPSBiH.
263. Disciplinski sud je nadležno tijelo za sve povrede Statuta i Pravilnika TPSBiH kao i pravila World Triathlon, te za disciplinske mjere i postupke s njima u vezi.
264. Povrede pravila mogu biti utvrđene bilo kakvom vrstom dokaza, a konstatacije sudaca i tehničkog delegata imat će snagu dokaza, osim ako se u postupku ne dokaže drugačije.
265. Predsjednik Disciplinskog suda kod ozbiljnih i hitnih okolnosti uz prijavu od TK TPSBiH, a kada je to u korist triatlona, može privremeno suspendovati svaku licenciranu osobu. U roku od 8 dana zainteresirana strana može podnijeti žalbu koja ne ukida izvršenje odluke predsjednika Disciplinskog suda.

ZAVRŠNE ODREDBE

266. Tumačenje ovog Pravilnika daje UO TPSBiH.
267. Ovaj Pravilnik i pripadajući prilozi stupa na snagu i primjenjuju se od 1. januara 2023. godine.

PRILOG:

- Sistem bodovanja na takmičenjima TPSBiH

Broj: 1-004/22

Sarajevo, 17.12.2022. godine

PREDSJEDNIK TPSBiH

dr. Nehru Mačkić

PRILOZI

PRILOG 1 - Sistem bodovanja na takmičenjima TPSBiH

BODOVANJE UTRKA		
OSTVARENI PLASMAN	UTRKA TL TPSBiH	DRŽAVNOPRVENSTVO
1. mjesto	150,0	300,0
2. mjesto	138,8	277,5
3. mjesto	128,3	256,7
4. mjesto	118,7	237,4
5. mjesto	109,8	219,6
6. mjesto	101,6	203,2
7. mjesto	94,0	187,9
8. mjesto	86,9	173,8
9. mjesto	80,4	160,8
10. mjesto	74,4	148,7
11. mjesto	68,8	137,6
12. mjesto	63,6	127,3
13. mjesto	58,9	117,7
14. mjesto	54,4	108,9
15. mjesto	50,4	100,7
16. mjesto	46,6	93,2
17. mjesto	43,1	86,2
18. mjesto	39,9	79,7
19. mjesto	36,9	73,7
20. mjesto	34,1	68,2
21. mjesto	31,5	63,1

22. mjesto	29,2	58,4
23. mjesto	27,0	54,0
24. mjesto	25,0	49,9
25. mjesto	23,1	46,2
26. mjesto	21,4	42,7
27. mjesto	19,8	39,5
28. mjesto	18,3	36,6
29. mjesto	16,9	33,8
30. mjesto	15,6	31,3
31. mjesto	14,5	28,9
32. mjesto	13,4	26,8
33. mjesto	12,4	24,8
34. mjesto	11,4	22,9
35. mjesto	10,6	21,2
36. mjesto	9,8	19,6
37. mjesto	9,1	18,1
38. mjesto	8,4	16,8
39. mjesto	7,8	15,5
40. mjesto	7,2	14,3